



SIARAN MEDIA

JABATAN WILAYAH PERSEKUTUAN

TRANSFORMASI PULAU LABUAN SEBAGAI HAB FESTIVAL BUNGA TERBESAR BORNEO DENGAN 200,000 TANAMAN BUNGA SEMUSIM 4 MEI 2025

Seramai 1,200 sukarelawan dari Universiti Malaysia Sabah Kampus Antarabangsa Labuan, Universiti Malaysia Sabah Kota Kinabalu dan Kolej Matrikulasi Labuan, anggota TUDM, penjawat awam serta rakan-rakan NGO menjayakan tiga siri Program Sukarelawan bagi aktiviti semaian dan penanaman 200,000 *polybag* tanaman bunga semusim di tapak semaian Pulau Buah. Bagi siri pertama, Lebih 300 sukarelawan yang terdiri daripada pelajar UMSKAL, UMS KK dan KML telah membanting tulang menyiapkan semaian dan penanaman sejak semalam sehingga hari ini. Program ini merupakan kerjasama di antara Jabatan Wilayah Persekutuan dengan Kementerian Perpaduan Negara, Perbadanan Labuan, Perbadanan Putrajaya, Yayasan Sukarelawan Siswa dan Jabatan Belia dan Sukan Wilayah Persekutuan Labuan.

200,000 *polybag* tanaman bunga semusim terdiri dari jenis Marigold Yellow dan Marigold Orange akan dipamerkan dalam susunan motif memukau di tapak lokasi Borneo Flora Festival @ Labuan 2025 di Kompleks Sukan Laut Antarabangsa, Wilayah Persekutuan Labuan pada 26 hingga 30 Julai 2025. Borneo Flora Festival @ Labuan 2025 yang julung-julung kalinya diadakan ini akan mempamerkan lebih 20 taman bertema yang direka secara kreatif dan luar biasa seperti Laman Magika, Under Water World Garden, Taman Glow In The Dark dan banyak lagi sebagai pilihan spot bergambar menarik untuk para pengunjung.

Festival berprestij ini diinspirasikan daripada konsep Royal Floria Putrajaya dan dijangka menarik lebih 50,000 pengunjung sekali gus memberi manfaat kepada pelbagai sektor tempatan termasuk hospitaliti, pengangkutan, tempat makan, dan inap desa. Melalui penganjuran Borneo Flora Festival @ Labuan 2025 ini diharapkan dapat mengangkat Labuan sebagai permata pelancongan tropika di kepulauan Borneo.

**Disediakan oleh:
Bahagian Komunikasi Korporat
Jabatan Wilayah Persekutuan
4 Mei 2025**

